



CARTA HABRI

Na tur partido politico

Oranjestad, 31 di augustus 2009
CBB 40-09/LdS/lm

Asunto: Organizacion di parada politico

Apreciable sr./sra.,

Pa medio di esaki Comision Bon Boluntad (CBB) ta desea di acerca bo partido pa solicita su atencion pa lo siguiente.

CBB ta constata cu rumbo pa e ultimo dianan prome cu dia di eleccion, tension a cuminsa subi, loke riba su mes ta algo logico. Na mes momento esaki ta trese cune cu mantene cabez friu y mente cla ta bira mas importante, pa mantene un ambiente frankil y pacifico, sin incidente pa lamenta. Al fin y al cabo, eleccion tey pa pueblo expresa ken mester tuma rienda di e pais aki den e periodo venidero, y eleccion no tey como ocasion pa demonstra diferencia di opinion na un manera indebido, agrediendo y/o insultando otro persona.

Nos por a observa cu den e simannan cu a pasa a tuma lugar algun evento grandi, specialmente e paradanan grandi di partido AVP y MEP. Na ambos ocasion tabatin incidente entre simpatizante di e dos partidonan aki, cu ta pone nos pensa cu yegando den e ultimo dianan prome cu 25 di september, e ambiente por bira mas hostil y por yega na exceso cu segun CBB ningun ciudadano consciente lo desea.

Por lo tanto CBB ta haci un apelacion abierto y publico na tur partido pa cancela parada como parti di campaña, mirando e molester causa pa publico general y e poco importancia di e parada pa informa publico. Particularmente esnan cu tabatin parada teni caba ya cu a hanja e chens caba.

Como cu boso candidatonan lo ta e futuro lidernan di nos pais ta apela na nan pa asumi responsabilidad pa interes general.

Atentamente,
Na nomber di Comision Bon Boluntad

Lydia Emerencia
Presidente

c.c.: prensa

Secretariado di Comision di Bon Boluntad :
Tel. 582-1120 Ext. 34/41-Fax. 588-3200
E-mail secretariat@arubachamber.com

Website: www.arubachamber.com/ComisionBonBoluntad.htm